

AGENDRE EPIFANIA 16 JANUARI 2022

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua niha Keriso, ba wondrugida migu Epifania andre, ma'owai ami fefu ba döi Zo'aya ya'ita Yesu Keriso.
 Ya'ahowu....
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 14**

14. SUNO YESU, TASUNO YESU

do = g 4/4

MM = 88 - 96

1. Suno Yesu, tasuno Yesu, si sökhi tödö
 si lö tebulöbulö, ba khöda
 lö mamalömalö, lö mamalömalö.
2. He So' aya, sebua tödö Ndra' ugö khöma,
 ma' andrö saohagölö ia khö-U.
 Masuno Ndra' ugö, masuno Ndra' ugö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'ameni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : He Yehowa, farongogö khögu lala ba wa'auri andrö: no fahöna wa'omuso dödö föna-U, ba ba gambölö-U so wa'ohahau dödö si lö mamalö¹. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
 He Yehowa Lowalangi, Ama sahakhö tödö ba sebua fa'omasi. Ma'andrö saohagölö me no Öheta ndra'aga moroi ba wa'abölö zogömigömi, no Ö'ohe ba haga, börö Zo'aya ya'aga Yesu Keriso. Ya Eheha-U Ni'ameni'ö zanuturu lala khöma, ena'ö si tedou ba saro ndra'aga ba wamati, ba si lö faröi ndra'aga ba wango'aurifagö fa'omasi irugi gamozua götö danö andre. Yaduhu..

3. MANUNÖ moroi ba Mbuku Zinunö Numero 223

223. FA' ASÖKHI DÖDÖ YESU

Lala : Hezo Yesu Somasido (No. 186)

do = d 3/4

MM = 69 - 76

1. Fa ' asökhi dödö Yesu, ba zi no mamati sa.
 Wa ifuli zui Ikaoni, na okafu dödöra.

¹Taroma li bö'önia tola mufaigi ba nga'örö nifaogö si sara, faosatö si-IV

Börö galangua dödö, si no oya ngawalö.
He no mohaga zamuzä, ifuli zui ndrundu-Mö.

2. Da' ö zomasi Zo' aya, na ifuli mohaga.
Afu tebohouni dödö, tefonaha Geheha.
He no oya wanandraigö, he fahöna wangala.
Na atulö wasöndrata, ba musöndra wemöna.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Yeremia 31:1-4**

1. Ba na luo da'ö — iwa'ö Yehowa —, ba Lowalangi mado Gizeraëli fefu ndra'odo, ba banuagu ira.
2. Imane Yehowa: No falukha wa'ebua dödö ba danö si mate niha andrö, si lö ahoi ba mbawa zi'öli. Talabu! ba wolohe ba wa'ahono Iraono Gizeraëli!
3. No i'oroma'ö ia khögu Yehowa, moroi ba zaröu, no imane: No u'omasi'ö ndra'ugö fa'omasi si lö mamalömalö, andrö wa lö tebulö khöu wa'ebua dödögu andrö.
4. Ufuli u'a'azökhi ndra'ugö, ena'ö te'azökhi'ö, ya'ugö ono alawe, Iraono Gizeraëli. Ayau zui dania waritia andrö khöu, ena'ö fao ndra'ugö ba zanari!
5. Öfuli ölau kabu nagu ba hili Zamaria — samazökhi ya'ia, ba la'oguna'ö göi.
6. Irugi sa bawa dania, ba mu'ao zanaro, ba hili Geferayi, lamane: "Talabu, möi ita misi yawa ba hili Ziona, khö Lowalangida Yehowa!"
7. Imane sa Yehowa: Mi'anunö ba wa'omuso dödö, ba khö ma'uwu Yakobo, mikaraini wa'iki, börö högö soi andrö! Mi'ebua'ö li wanunö, mimane: Orifi mbanuau andrö, si tosai Iraono Gizeraëli, ya'ugö Yehowa!
8. Hiza, u'ohe mangawuli ira moroi yöu, u'ozaragö ira moroi ba wondrege danö — fao zi lö hörö ba sogombuyumbuyu töla ba sanabina ba sawena madono fefu: ato sibai ira, wangawuli ba da'e!
9. Mege'ege ira wa'aso ba fakao: ufasao ira, u'ohe ba gumbu; lala si fadaya nitörö, si tebai manendre ira; noa sa tobali ama Ndraono Gizeraëli ndra'odo ba si a'a nonogu mado Geferayi!
10. Mifondrongo li Yehowa, ya'ami niha baero, mi'ombakha'ö ba hulo misa, ba zaröu, mimane: Samazaewe mege Iraono Gizeraëli, da'ö göi zangozaragö, ba irorogö, si mane fondrorogö gubalo rorogöfönia!
11. Yehowa sa zangorifi ma'uwu Yakobo, i'efa'ö ba danga zabölö moroi khöra.
12. Ba so ira ba manunö ba hili Ziona, lahurufai wa'ebua dödö Yehowa andrö, bua nowi ba ösi nagu ba fanikha ba ono mbiribiri ba ono zawi, ba amaedola kabu si lö ambö idanö nosora, ba lö'ö sa'ae ariri ira.
13. Ba awena dania omuso dödö nono alawe ba wanari, fabaya ono matua ba satua fefu, ba ubali'ö fa'owuawua dödö wa'abu dödöra andrö ba urara dödöra, omuso dödöra ube'e, aefa wa'alangu dödö andrö.
14. Ba ube'e fangokafu dödö gere dawö ba abuso mbanuagu fa'ebua dödögu andrö — iwa'ö Yehowa.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. No sebua fa'omasi Ndra'ugö khöma götögötö wa'ara. Ma'ondrasi Ndra'ugö ba nahia ni'amoni'ö ba wanggalulu ba ba wangandrö saohagölö, ba howuhowu si no falukha ndra'aga. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima si faudu ba zomasi Ndra'ugö. Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

: Da tafondrondrongo daroma Li Lowalangi, tehalö moroi ba zura **I Korindro 12:1-11**

1. Ba lö omasido, lö mi'ila watahögö, ya'ami ira talifusö, ba mbuala Geheha andrö.
2. Lö solifu ami: me luo niha baero ami, ba ba nadu si lö hede andrö misawa, nidöni ta'io.
3. Andrö u'ombakha'ö khömi: lo e'ilifi Yesu sihede moroi ba Geheha Lowalangi, ba tebai faso'aya khö Yesu niha, na tenga moroi ba Geheha ni'amoni'ö.
4. Ba no faehu mbuala fa'ebua dödö andrö, ba ha sambua Geheha,
5. ba no faehu halöwö, ba ha samösa Zo'aya,
6. no faehu wa'abölö, ba ha sambua Lowalangi, sanga'asogö fefu hadia ia, ba dödö zi no ato andrö fefu.
7. Ba ena'ö ba zato moguna, andrö tebe'e wama'ele'ö Geheha andrö ba zamösana.
8. Ba zi samösa, ba tebe'e moroi ba Geheha daroma li fa'atuatua, ba ba zi samösa, ba taroma li fangaboto ba dödö, moroi ba Geheha da'ö göi;
9. ba ba zi samösa, ba buala ba wamadöhö fökhö, moroi ba Geheha si ha sambua andrö;

10. ba ba zi samōsa, ba famazōkhi sahōlihōli dōdō; ba ba zi samōsa, ba fama'ele'ō; ba ba zi samōsa, ba fangila amuata Geheha; ba ba zi samōsa, ba oya ngawalō li; ba ba zi samōsa, ba famotokhi li andrō.
 11. Ba fefu hadia ia zi manō, ba oi Eheha da'ō, si ha sambua, zanga'asogō; ifosasi, ibe'e ba zamōsana zomasi ia.

Ya'ahowu zamondrongo taroma li Lowalangi ba same'e ba dōdō.

SA+SATO : Yaduhu

8. FASÖMBATA
SA

: Iada'e tebe'e khōda ginōtō ba wolohe fasōmbata khō Lowalangi. Ta'osamuzaigō wame'e, he fasōmbata si fōfōna, ba simanō gōi zi mendrua awō zi medōlu, sifao fangowuloi ame'ela persembahan Kasih. Ba si fōfōna ua da tafondrongo Li Lowalangi me imane:

- ❖ Same'e sumange fangandrō saohagölō, da'ō zamolakhōmi Ya'odo, ba zi lö sinegu ba mbuabuania U'oroma'ō wangorifi andrō khō Lowalangi. (Sinunō 50:23)

Tafa'ema wasōmbata khō Lowalangi, manunō ita moroi ba Mbuku Zinunō
Numero 310

310. HA YESU ZI FAHUWU KHÖDA ¹

do = es 3/4

MM = 96 - 104

1. Ha Yesu zi fahuwu khōda, si fahōna fa' omasi.
Lō tasōndra ba gulidanō, zi fahuwu si lö farōi.
Tabè khō Yesu dōdōda, sango masi' ö ya ' ita.
2. Itehe niforōfa Ia, salahida ba horōda.
Ba no Ilu' i wōnu Nama, afu ohahau dōdōda.
Tabè khō Yesu dōdōda, sangomasi' ö ya' ita.
3. Lö aefa dōdō-Nia khōda, me no si lö farōi Ia.
Lö aetu wa' omasi-Nia, wame' e khōda Eheha.
Tabè khō Yesu dōdōda, sangomasi' ö ya' ita.
4. Sowuawua tödō ita, ba wekolida ba danō.
Me Yesu zi fahuwu khōda, same' e fonrara dōdō.
Tabè khō Yesu, dōdōda, sangomasi' ö ya' ita.
5. He Yesu, si fahuwu khōgu, tolo ba ohe dangagu.
Ba zagafōkhō böi bōhōido, a' aro' ö wamatigu.
Yesu khō-U ubè dōdōgu, dou' ö wa' omasigu khō-U.
6. He Yesu si fahuwu khōma, fa' auri-Mō wa' aurima
Ba wangawuli-Mō dania, ohahau sa' ae dōdōma.
Me khō-U ndra' aga So' aya irugi ba gamozua.

SA :

Na no awai la'owuloi/lafa'ema wasōmbata, ba owulo tanō furi zangowuloi Fasōmbata, lafendrongagō wolohe fōna fasōmbata, ba la'o'ō gōfanōwa note zinunō (irama lagu).Fatua lö möi ira wolohe fōna, ba imane Sangai Agendre:)

“Da tafasao wasōmbatada andre fōna Lowalangi,.....Muzizio ita fefu.....
 Manunō ita moroi ba Mbuku Zinunō numero 261

261. YA'E ZUMANGE ²

do = d 4/4

MM = 62 - 68

Ira'alawe□

1. Ya ' e zu-ma-nge fa-sōmbata, ma ' o-he sumange Yehowa.
Iramatua

Reff : Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, bm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group

- Koor Jemaat
- Kegiata Komisi Bapak (Koor/Vokal Group)
- Kegiata Wilayah 2 (Koor/Vokal Group)
-

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö siba dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- Fombaso taroma Li Lowalangi **Sinunö 36:6-11 (Yehowa Sebua Fa'omasi ba si lö Faröi /Tuhan adalah Kasih dan Setia)**
- Fanuriaigö
- Nitanö ba dödö. **Yeremia 31:3b** (No u'omasi'ö ndra'ugö fa'omasi si lö mamalömalö, andrö wa lö tebulö khöu wa'ebua dödö-Gu andrö.).
- Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

- No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö ni'wa 'ö-U.

12. TUHO WAMATI

- SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 157**

157. WA' ASÖKHI AE LI YESU

Lala : Sökhi sa Duria Yesu (No. 88)

do = es 4/4

MM = 88 - 96

1. Wa' asökhi ae li Yesu, sangorifi ya'odo.
Me Ituturu lalagu, fa ukhamö zorugo.
2. Wa' asökhi ae li Yesu, si no mogaoni ya'o.
Me no Ifabu' u khögu, wa lö Itimba ndra' o.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 17. **YEHOWA ZAMASAO YA' O**

SH : Ya'ahowu

SATO : YA'AHOWU